

富平縣志

函一
十册
函

富平縣志稿卷三

戶口

周禮九職任萬民並及男女生數鳥獸穀種皆有征是以
後世官書專紀財賦若元康戶口簿記元和會計錄諸書
類也我

聖祖仁皇帝特頒 誥旨滋生人丁永不加賦

世宗憲皇帝 詔丁隨地徵

高宗純皇帝乃并停編審民尤稱便誠古今未有之殊典而天
下戶口繁盛亦於斯時稱最卽富平一邑計之男女丁口
已逾二十餘萬

聖德汪洋九州普被孳息孕育又豈獨富邑哉

物產

洪範八政首先食貨職方氏辨九州山澤之利則財賦物產著錄之祖也往者郡縣有土俗物產諸書卽班氏志食貨之遺意也近今地志家多沿其例前志所載其水土之所宜山澤之所生取之不盡用之不竭其將偕乎商山之紫芝同壽藍田之美玉共孕哉

風俗

傳曰齊其政不易其俗孝弟力田賢者之流風未泯也奢淫侈靡之風盛人心之偷又其所亟當變革者也關中數

遭寇亂復值旱曠戶口旣稀良田曠廢不得不招徠客戶
設法墾闢於是無籍轉徙之民占地納課善長者十不一
二奸謀時逞訟獄繁興第恐澆風久扇龐氣漸漓積弊相
尋所關匪細安得良有司斟酌寬猛之條力矯苟且之習
亦必使官斯土者久居其位庶可責以移風易俗尤望邑
之賢士大夫砥頑訂愚勿使蚩蚩之氓隨波而靡雖未敢
必期反本還樸而周畿敦厚之風亦可存簡久矣欲究百
姓之艱危通閭閻之利病有心爲政者其可深思焉

風土志

戶口息耗關乎國計生齒日繁斯稱祥瑞教養撫字
實非細事物產大同風俗純粹豐富華贍貧弱勞苦
立國有術載志風土

戶口

孫志洪武閒戶五千一百三十口六萬五千二百三十五至
萬懋閒戶五千六百八口七萬一百八而畸零填籍者並計
之

乾隆初知縣喬履信編闔境爲九十九聯每聯選正長各一
人領之由官出示給劄奉行已久四民相安計闔境共一千

八十七堡四萬四千一百三十八戶丁男一十二萬七千四百二十八名婦女八萬六千三百一口迨乾隆四十三年知縣吳六鰲重修志乘編查戶口闔縣共一千一百三十八村堡四萬五千一百三十二戶丁男一十三萬六千七百六十八名婦女九萬一千二百八十八口

咸豐五年編查闔縣戶口共四萬六千五百九十七戶男丁一十二萬九千五百三十七名婦女一十二萬四千七百二十口商民七百七十九名

光緒二年查辦保甲土著並寄籍二萬八千五百四十三戶共男女大小十二萬零三百零二口商民二千三百五十四

名

光緒十二年經荒旱後僅存土著烟戶一萬八千八百四十五戶男女大小八萬九千九百六十九名商民二千一百五十五名招墾客民一千二百九十八戶男女大小五千七百九十九口統計土客男女弱小較昔短少豈僅倍蓰哉

物產

孫志載溫泉產魚長三四寸許閒亦有盈尺者殊多不美原南父老傳無縫麥今攷其地不得北山青石細潤可鐫字琢磬砌堂階人號墨玉以此取足者無虛日富平人亦日蹙頰爲其採伐重而遞運艱也石炭之產難亦如是縣東鹵灘界

蒲城境上僅居少半閒產硝鹽西灘地又減東十倍當事者業嚴禁甚民患苦之尚書村陶器人以治生明月山白土磁器不得則不磁蘭山以有蘭花故名今則人不識蘭花狀北莊里有葵莧不多薛家村葫蘆長三四尺仁義坊茄重一觔則糞多力勤非專地性然也美原之絲縷短尺者可續附廓之韭浮澤之蒜歷晝夜味不變更則地氣鍾然今則分類書之

金石類 原磬紫石出紫金山 砂器出尚書村 石窠石一名墨玉石理

碑刻取之然匠工之艱 石窠炭出北山數縣賴之 白土出

搬移之累利病半焉 月山如銀包金又出泔紅土 石灰傍石川 泥同官磁器以此爲之

布綿類 綿布 黃綵閒有 棉花 紫花 羊毛

禽獸類 馬 騾 驢 牛 羊 猪 鹿 獐 黃鼠 兔

狐 黃鸝 雞 鵝 鴨 鳩 雀 鶴 鵲 鶻 鷓

鵲 白鷺 翠雀 水鴨 水雞 鴉 烏 鴛鴦

鱗介類 魚 鱧 鱖 鯉 鰱 鯽 田雞 螃蟹 蚌

鼈 雉魚出溫泉然亦偶有 血魚出萬泉

穀類 大麥 小麥 蕎麥 無縫麥 穀 菟豆 胡豆

稻 匾豆 豇豆 菜豆 小白豆 黃豆 芝蔴 稷

黍 蠶豆

果類 石榴 林檎亦名花紅杏 柿 梨 李 蒲萄 核桃

桃 棗 酸棗 桑椹 杜梨 木瓜

瓜菜類 西瓜 甜瓜 王瓜 菜瓜 冬瓜 南瓜 瓠

北瓜 葫蘆 白菜 豆芽 莧菜 芹菜 蘿葡 兩組白種

芥菜 芫荽 萵苣 苜蓿 葱 韭 蒜 茄 波稜

春不老

木類 松 柏 槐 榆 椿 檣 桑 楸 桐 梧桐

椒 楊 柳 檉華 亦名觀音柳 又名西河柳 竹 葦

花類 牡丹 芍藥 海棠 木槿 臘梅 薔薇 刺梅

菊 月季 玫瑰 石竹 萱草 玉簪 金盞 茉莉

葵 荷花

藥類 麻黃 防風 薄荷 茴香 香附 車前 知母

紫花地丁 葛根 遠志 澤瀉 甘遂 地黃 甘草

黃花地丁 茅香 蒼朮 黃芩 柴胡 瓜蒌 地榆

鵝不食草 立蘼 升麻 沙蘼 槐實 枳實 楮實

天花粉 地骨皮 透骨草 黃芪 陵苓香

酒類 石凍春 梨花 秋露 蘭若 五香 陳酒 苦甜兩種

風俗

習俗移人賢者不免卽一鄉一邑必有相率而羣趨者矣頻陽地接周畿先王之遺風未墜勲業節義代不乏人民生啟龐勤學力本地土厚重迨亦山川之氣所鍾與

士習尚忠義而樂恬退躬孝友而敢樸實學者取友恥不若
己見人不善望望而去之見孫志卽宦成亦謹厚如鄉人喬居志
家勤於讀書務實行敢品誼雖科第顯達循循如書生不以
富貴驕人閒亦有崖岸特峻血氣自負者然飾詐游蕩之風
百無一焉

農習地狹人衆賦厚役繁縣則膏沃鮮十畝之家鄉則蓋藏
無數鍾之粟資生之計甚艱衣不掩膝肉不知味孫志田百畝
者不多見婦子胼胝水旱少逢啼饑立見喬志終年服勤力穡
習苦安分賦性慇直乏刁狡習純樸古穆迨亦豐鎬之遺風

歟

百工習藝率多堅樸鮮淫巧惟北山產石附近居人善事雕
築凡鐫字暨花草山水人物精緻不爽毫髮往往歎爲絕技
然聞其人多目不識丁尤高自位置不肯輕售亦風氣使然
也

商惟鹽當爲大宗餘則日用雜物花布農器徧於市肆絲帛
絕少各鎮集市粟米酒脯菜炭而已資生興利竟乏長策博
蠅頭之息爲糊口計耳

士禮冠以弱歲吉不筮賓閒亦有行者婚姻重班行重本源
不逐逐巨室家徵儀上者百金止矣嫁裝倍之非厚徵而薄
嫁者然貧者不能貸財爲禮粟一石布一疋亦有迎婦者不

富平縣志卷三
甚貴備近日奠雁親迎滿境中矣喪必三年始易服葬有廬墓者鄰里以葬不擇地值凡民有喪閭里匍匐預柏棺而飾松漆尤得歲制古意亦有爲親石槨者祭則祥禫一切如禮若夫專祠獨有見於信而好古者

孫志

衣冠見長者及報禮具服燕見見少者俱如常婚姻近則鄉人論微儀矣雖貧非近百金不能娶新婦履筵頗爲陋習歷任諭誠近亦稍止矣喪禮弔生哭死祭奠準之戚友誼厚薄

有常

喬志

兵荒以後十室九空日用物力不啻倍蓰冠禮久已不行婚姻聘儀靡定貧民娶婦尤難凋敝情形實堪慨歎

光緒六年以後土曠人稀闔邑丁口約略計之三去其二當事籌畫墾闢遂仿南山諸邑招集客民開墾例於是川楚無業之氓全然而至計口授田與土民原無歧異第土人素性愚戇而詐僞者少客戶則機巧便捷逞辯好訟積習相沿頽波莫挽客土輕重之情端賴賢有司權衡其閒耳

藝文

州縣志乘率錄詩文數十百篇以矜賅博復按代分體大類坊間選本實爲識者所譏今用范石湖吳郡志例凡詩文之紀名勝者各附注本條下至有關邑政者亦必附錄而藝文一志則專紀書目第經兵燹之後書軼不傳茲特蒐求其可攷者亟爲編錄亦在所不遺之意及卷冊就其所知書之餘概從略文獻不足徵可勝慨哉

按邑李子德先生爲當時才傑已列入

國朝儒林傳中斯志蒐羅其詩文分注各事蹟下茲復采其授檢討後母老乞養一疏言幼學壯行者人臣之盛節辭

官平果志和卷三
榮乞養者人子之苦心故求賢雖有國之經而教孝實人
倫之本比者內外諸臣保舉學行兼優之士旁采虛聲聯
塵薦牘促臣赴京屢具呈辭疊奉部駁隨於三月朔扶病
考試復蒙

聖恩授職檢討纂修明史受

恩深重何忍言歸惟是臣母年老病多呻吟牀褥臣止一弟
出繼旁支母子煢煢相依爲命衰齡七十久困扶牀輦路
三千難通嚙指一旦禱北辰而已遠迴西景以無期萬一
有人子所不忍言者則毛義之捧檄不逮其親溫嶠之絕
裾自忘其母風木之悲何及餅壘之恥奚傷臣永爲名教

罪人虧子職而負

朝廷矣臣自去秋入京奄更十月數接家信臣母以晝夜思子流涕無已雙目失明臣仰圖報

君俯迫諗母欲留不可欲去未能瞻望

闕廷進退維谷查見行事例凡在京官員家無次丁聽其終養臣身爲獨子與例正符伏祈

特沛恩慈許臣歸養叨沐

聖澤以終天年臣母殘病餘生統由再造臣母子銜環鏤骨沒世不忘疏入

詔許終養此實有關世道之文錄入藝文弁首以爲遠宦忘親

者戒

藝文志

王畿內地人材倍起行實文華錄佐外史文紀事宜
學綜名理詞筆揆藻壇坫競美歷代名家著述實繁
疊經兵燹惜燬寇氛謹仿漢書例志藝文存其篇目
獻典足徵

賈主簿集

唐司戶叅軍賈島著

魏文貞公奏疏

唐司空魏徵著

月山集

元聞喜令張敏著

犀峯詩文藁

元進士唐塋著

春秋提要

四書解義

明拔貢喬若櫝著

周易卦解

明諸生喬惟華著

石疊集

明都御史李宗樞著

鷄庵集

明吏部尙書張統著

斛山集

周易辨解

中庸解

明御史贈光祿少卿楊爵著

孫氏家訓

去思集

明寶坻知縣孫惟謙著

三不朽集

見山堂草

曹山政治攷

明襄陽通判曹汝菊著

南谷前後集二十卷

明蒙陰知縣曹汝葵著

巡方總約

都院奏議

巡撫約束

應世草

吏刑二部奏議

格物圖

立山詩鈔

論學篇

富平志

明左都御史少保孫丕揚著

諫垣存稿

撫關奏議

明兵部侍郎朱國棟著

藿議

醒言

韻記

韻語

月令香律

醉溪齋三刻

信腕草

碎壺集

落花詩

狂言

終南遊記

終南遊草

池陽大會草

明解元劉士龍著

雙臺雜稿

明貢士韓容著

御宿奏疏一冊

履難記一冊

明參政田時震著

逸叟雜稿

明夏津令楊之翰著

天逸集

官三鼎三利卷三
三
明寶應知縣孫鍾臯著

春秋點注

趙中丞兆麟著

五柳園詩集

四周文稿

明處士何日浩著

望雲軒集

刑械註釋

王氏家譜

學政條約

明湖廣學道王象天著

三瓶齋詩集

明同知白石楊日昇著

周易合象

周易解中論

明庠生程鳳儀著

田氏家譜

蒙城志

漆園草

華石集

栩栩居存詩

刑部郎中田本沛著

以下俱國朝人

諫垣奏議

禮科給事中李鵬鳴著

信心草

四書真解

鎮平知縣王繼祐著

鐵舟意草

永嘉知縣楊紹武著

富平志稿

王業天著

濱州知州韓文著

循寄堂集十六卷

古文函始四十卷

古文函餘十五卷

仕學箴語一卷

閒默堂文約

鏡波園花木譜

右江道朱廷瓌著

隄鹽紀略

知縣陳崇禮著

懷山堂文集六卷

詩集十四卷

詩餘三卷

經史隨筆六卷

五行經子午鍼三卷

程典註三卷

田氏家乘二卷

驚枕錄二卷

傳章七程

岷州學正田而穉著

諸作以貧
未全刻

同心軒詩十卷

文集六卷

正字錄二卷

布衣田甚衍著

受禊堂文集十五卷

詩集三十五卷

漢詩評十卷

廣韻正四卷

檢討李因篤著

耦園集

姓氏攷

處士李因材著

大易

四書易簡

成氏家訓

一貫圖

鹵川布衣成言著

言字默之
二曲弟子

博約說

孔顏所樂論

四書辨難

漆濱雜文

布衣喬爾斗著

二曲弟子

緩齋初集

大河志

史論事論雜記

己刊行

緩齋續集

終華仙蹟志

祥刑錄

左國史漢臆評

中書曹玉珂著

自新錄

富平答問

應用錄

通海知縣
惠龍嗣著

待刪草詩集

婺源令竇祖禹著

畱雪齋詩文集

貢生朱樹滋著

驚覺錄

探源篇

正學書

樂亭知縣來珽著

常華園詩集

平遠知縣李樟著

世範堂詩

恕庵文稿

左雲知縣袁大選

孔彰奏議

淡正堂詩文集

同州訓導翟起著

香祖樓詩稿

蔭生蘭孫盛著

春秋臆說

萍蹤雜記

樂耕園詩草

布衣楊深著

錦嵐堂集

通判竇鳳輝著

旭日齋詩文集

襄城邑志

諸生曹暉吉著

拜石齋詩文集

重刊醉溪齋集

受祺堂集

涇州訓導馮雲杏著

保安縣志

訓導武東旭著

印月堂詩文集

安化教諭高懷清著

卽是園詩文稿

庫生師炳著

屏山文集

鹽城知縣朱學海著

嬾雲存稿

武功訓導李關著

南遊草

北遊草

閒詠小草

櫟言文集

窺豹集

卧薪草

餘評

周易卦解

處士田惟華著

學庸心解

孟子滄解

滄州知州孫聯捷著

塢篋蛩鳴詩草

淮徐道孫步雲著

五經會意

史論心法

正蒙句解

關學續編

栞堂詩文鈔

富民知縣朱久括著

清江詩文鈔

處士董志敬著

序卦圖解

苦槐堂文稿

處士韋編著

春草堂遺草

布衣路立孔著

公非草

處士周懋康著

三元經

處士程雲漢著

金石

京兆金石錄成都刻石總目各繫以方域至若我

國朝寰宇仿碑記關中金石錄則商彝周鼎秦碑漢碣粲若
列眉至朱長文吳郡續志別立碑碣門徐碩嘉禾志因之
則金石入地志之始也卽富平一邑吉金貞石鴻文炳耀
第代遠年湮劫灰所經百不存其一二往古之斷碣殘碑
埋沒於荒烟蔓草閒者固無論矣卽前明邑之鴻儒學士
碑表之屬亦多佚無可究詰滄桑陵谷變遷陸沈有如
斯者

金石志

鼎彝碑碣古事資聞世易物湮往不可徵秦漢故實
片甃足珍祀典水利以正以興稽證博通歐趙洪薛
菟攷缺軼爰志金石

定公韓良碑

永徽六年三月立于志寧撰文王行滿正書篆額在縣學

良韓瑗之父唐書作仲良蓋碑舉其名而傳及其
字也官終刑部尚書秦州都督府長史潁川縣公

美原神泉詩

垂拱四年四月立尹元凱篆書在美原鎮右詩刻面陰皆
有文面額題曰美原神泉詩序六字隸書文首行題五言

夏日遊神泉序序爲太原縣尉韋元旦字烜作序後詩二
首一爲主簿賈言淑一亡姓名詩皆六韻陰額題云大唐
裕明子書六字亦篆書文首行題云五言同韋子遊神泉
詩并序序爲雲陽主簿明臺子徐伯彥字光作序後詩三
首一爲裕明子河閒尹元凱字馘一爲左司郎中溫翁念
字敬祖一爲天官員外郎李鵬字至遠詩亦六韻垂拱四
年戊子四月造趙德父以四年作元年者非韋元旦史稱
其兩爲縣尉一東阿一感義而不及太原尹元凱史稱爲
瀛州樂壽人而碑云河閒地理志云深州有樂壽縣本隸
瀛州大厯中來屬則其時樂壽猶屬瀛州也又河閒亦屬

瀛州元旦等史或不著其字並詳此碑

美原縣尉張昕墓志

開元二十四年十月立正書在長安劉氏

此與張希古碑並在劉乾隆辛

丑歲陝撫畢公沅以二十
千得之今歸靈岩山館

臨淮武穆王李光弼神道碑

廣德二年十一月立顏真卿撰文張少悌行書在縣學今
無

贈營州都督薊郡公李楷洛碑

大曆三年三月立楊炎撰文史惟則八分書在縣西北覓

子店

楷洛太尉光弼之父漢李陵後裔也累官左羽林
大將軍封薊郡公加雲麾將軍唐書附見光弼傳

富平縣志卷三
永仙觀主田尊師碑

大曆六年十月立蕭森撰文田名德集晉王羲之書

永仙觀主田尊師德行之碑

號年及撰人缺口光書并篆額並在縣治美原鎮

相傳美原爲眞

人拔宅上昇處故後人立碑於此碑甚磨泐號年莫可攷故附置於此

佛頂尊勝陀羅尼幢銘

大曆六年十月立僧昔眞撰文康玢行書在縣治六井村

義陽郡王苻璘碑

太和七年立李宗閔撰文柳公權正書并篆額在縣學

今額

上無字疑是勒碑時未及之也或謂後人磨去者非

重修李太尉祠堂記

皇祐元年六月立王皙撰文張大中正書廖山甫題額在

縣治覓子店

太尉唐李光弼也其地有赤眉祠
皙爲縣令改爲祠今尙存

東西女學洞記

唐杜光庭撰文

周文帝成陵碑記

宋趙孚撰文

張尙書統墓碑

明楊爵撰文

楊忠介爵墓碑

富平縣志卷三
吏部尙書胡松書關西夫子楊伯修墓碑巡撫練國事撰

神道碑

孫恭介丕揚神道碑

王圖撰文孫光範勒石

唐賈主簿島墓碑

柳公權書

按唐蘇絳撰賈島墓銘云君謫授長江主簿以會昌癸亥終於官舍以明年擇安岳縣移風鄉南岡鑑戒錄島終於簿署墓在岳陽山上岳陽普州地名也今墓在縣治大賈村

拓拔太保儉墓碑

庾信撰文

儉恒州高陸人天和四年薨詔贈太保遺令止依太祖陵側無忘事君墩兄弟並遵遺訓

唐五郎洞碑

洞在檀山寺後內有碑記懿宗第五子

都督樊奴子造像記

大昌元年六月立正書碑陽碑陰皆刻佛像及地獄變相
碑側刻記字迹樸秀

僧櫛造像題名

西魏正書

美原夫子廟碑

天寶八年縣令王崑山甫氏撰文

見歐陽集古錄在美原鎮刻字畫奇怪奇逸可

愛

漢相劉屈氂廟碑

在流曲鎮東北

碑載武帝訪仙明月山劉相奏免民租民感之爲立廟并立武帝廟

邑令楊朝列記德碑

耀州學正劉原明撰文大德閒立今在王寮鎮左

元王彥嘉築隄德政碑

在永潤渠旁

明楊時泰去思碑

光祿馬理撰文嘉靖八年建

孫前川墓石刻

陝西布政使朱炳題曰七勿先生又尙書楊兆誅曰關西

夫子之墓

汝陽丞樊尙禮先祠記

御史楊爵撰文蘭谷鄒應龍書在懷德里

五華洞題額

張仙三丰書

劉仙洞題額

洞額題曰碧雲島在金粟山左傳爲仙蹟云

目蓮塔記

在邑山寺後秦永壽王記

謂唐至德七年和尙
做孟蘭盆會於此

神芝坊碑

在莊裏南地產神芝故立碑記之

還鄉城碑記

漢薄太后戚屬所居碑在北齊村

唐李光進墓碑

光進光弼弟墓同在覓子店碑今失

後魏門師張鞞等七人造像記

神龜二年正書

西魏曹續生造像記

大統四年正書

西魏造太上老君像記

大統十四年四月正書

南漢李柱國彥溫墓碑

乾祐年立彥溫爲楚王馬希範都指揮使楚王遣之拒希
萼撰文人名失

尊勝陀羅尼經幢

年月泐首三面有武后制字餘俱後時補刻下存戊午歲
三月等字末有大順時題

鐵塔寺陀羅尼經幢

會昌三年八月末有龍首鄉興臺里字正書

魏公謩先廟碑銘

大中六年十一月崔絢撰文柳公權正書

浮山靈感寺地土記

至元十五年十月僧福登記正書

元王侍郎誥命碑

普明寺
非普寧

在莊裏普寧寺西侍郎諱丙

碑與石柱
俱無恙

元行省李興碑

興墓在縣北毛吳村堡西楷書字損十之三四惟餘太常
博士撰五字授兗州曲阜縣尹權祀孔□治書

造象殘刻

隸書與曹續生相似北魏人複姓最多一人各一象無年
月

淨智慧觀身經銘

田名德正書在美原

顯神廟碑

元進士唐堃撰文在元陵鎮羽流高明道書

邑子魏氏造像

無年月人各一像正書

孫真人行祠記

明李宗樞撰文許少府秋原建立

重修縣署記

明知縣劉兌撰文

重修縣學記

明孫丕揚撰文

楊候去思碑

明馬理撰文

重修縣學記

明田時震撰文

淑明王邑侯崇祀名宦記

劉士龍撰文

邑侯劉焦王三公新祀明宦記

劉士龍撰文

楊斛山祠堂記

涇陽雜遵撰文

重修八蜡祀記

周文煥撰文

劉邑侯祠堂記

孫丕揚撰文

建丞署記

劉兌撰文

重建王將軍廟記

李因篤撰文

官不舉元利卷三
三
明壽官臨岡張公暨配合葬墓表

孫丕揚撰文

私諡孝貞李先生墓誌銘

邵陽康乃心撰文

孝貞先生墓表

華陰王宏撰撰文

李母田太孺人墓誌銘

盤厓李中孚撰文

孫真人祠碑

明孫丕揚撰文並書

正德
年立

安頭菴碑

在縣東二十里柳公權書今無

薛村西寺碑

李太史因篤撰文

明張太宰祠碑記

唐龍撰文

重修頻山廟碑記

宋邑令王居仁撰文政和二年建

高文林頻泉禱雨碑記

節度趙推官撰文

宋游師雄普凝寺記

普凝寺在善凝坊石刻舊嵌殿壁

記云余行部至美原宿富平之普凝寺翼日過

西魏文帝陵等語邑士沈起潛曾見之

壽聖寺道信和尚塔銘

宣和七年建在定國寺

石廣尺許背鐫大成四配象書贊

邑令楊時泰去思碑

明光祿卿馬理撰文

馬元科目題名碑

景泰四年保定馬元建

靈泉寺碑

在縣東平觀村金大定間建

孝子梁悅祠碑

鐫有韓文公愈復仇議在漢梁孝子悅墓前祠中不知何人鐫字

古押衙洪墓碑

墓在古押衙故里南謝村舊有碑不知何人所書今失

東北

六十里薛家鎮有隱居遺迹

永慶寺碑

大金承安三年造楊思聰撰文任時享書

半截塔碑

富平縣志卷三
延祐三年造定慧禪師藏骨所

六佛石柱銘敘

開元十三年八月十日建紀自勗書

幢文有京兆府富平縣義亭里正樂鄉末

書睿宗大聖眞容
今在富平縣署

魏鄭公碑

字不可識

后土廟碑

在北吳村
碑系行書

馬理撰文并書

檀山安眾寺記

宋景祐戊寅建碑
係行書字未損

殺禰誦蓮經僧文泰述并書題額

金李郡太夫人墓誌

大金正大二年立秋
日記在檀山寺內

光祿大夫前楨州刺史護國廣平郡開國公食邑二千戶
食實封二百戶省差都提控軍馬事紇石烈男六十二權
葬母郡太夫人墓誌碑內有夫人生四子一女曰六十二
曰阿海曰重喜曰速撤吉門人張天鑿楷書字未損

五行神廟碑銘

在莊裏東門外
行書字未損

馬理撰文并書

顯神廟碑

在覓子鎮西明
萬曆十八年

犀峯進士唐堃敬撰文古澄黨思明楷書字未損

重修眞武廟

在方井
堡南

富平縣志卷三
三
明南京吏部尚書三原溫純撰文並書

公諡文毅

張志達墓表

明少保孫丕揚撰文

諸生康保民子元墓表

朱樹滋撰文